

Universitätsbibliothek Paderborn

Instructio Practica ...

Unà cum Rubricis ejusdem Missæ brevibus Notis illustratis

De SS. Missae Sacrificio Juxta Ritum Romanæ Ecclesiæ offerendo - Unà
cum Rubricis ejusdem Missæ brevibus Notis illustratis

Lohner, Tobias

Dilingæ, 1676

Tit. IX. De Septuagesima, aliisq[ue] sequentibus Dominicis.

[urn:nbn:de:hbz:466:1-48307](#)

TITULUS IX.

DE SEPTUAGESIMA, ALIISQUE
SEQUENTIBUS DOMINICIS.

I. Unde defumpta sit harum Dominicarum denominatio, non convenient Authores. Gavantus p. 4. tit. 5. n. 12. ait, sibi omnium maximè placere opinionem Ruperti Abbatis l. 4. dicentis, has Doninicas sic appellatas esse à numero Hebdomadarum usque ad Dominicam Quartam Quadragesimæ, quæ *Lætare* vocatur, intercedentium, atque adeò Septuagesimam vocari, quia septem hebdomadæ usque ad Dominicam *Lætare*, quæ est Paradisi, ad quem per septem hebdomadas pervenitur, propria quædam imago, intercedunt; sicque discurrendo de reliquis Dominicis. Sed mihi probabilius videtur cum alijs ab eodem Gavanto n. 8. citatis, eas à numero dierum jejunio solemni deputatorum appellatos, & sic Quadragesimam vocatam à quadraginta diebus jejunii, quos includit. Quinquagesimam à quinquaginta diebus, quos olim jejunium hoc solemne incluserat, eò quòd Feria V. Cœnæ Domini, & Sabbato sancto non jejunabatur. Sexagesimam verò à sexaginta diebus, eò quòd ex decreto Melchiadis Papæ non solùm dies Dominicæ ob Resurrectionem Domini, sed etiam Feriæ quintæ ob Cœnam Domini & Ascensionem Domini fuerint à jejunio excepti. Quia verò postea ex decreto Concilij Constantinopolitani VI. etiam Sabbathini dies fuerant à jejunio exempti, ideo tunc Septuagesima vocabatur jejunium solemne, quæ tamen postea ob perfectam Christi imitationem ad quadraginta dies veri & proprij jejunij iterum restricta est; retento tamen nomine Sexagesimæ & Sexagesimæ, & luctus Cæremoniis, ut sint quasi præparatio ad sequentem jejunij Quadragesimam. Unde etiam Tractus, id est, carmen luctus omnibus his Dominicis assignatus est; qui tamen Tractus in Ferijs harum hebdomadarum non dicitur, eò quòd luctus solemnis tantum in concursu Populi sit faciendus, ut ait Gavantus n. 14.

II. Etsi pro Dominica Septuagesima, Sexagesima, Quinquagesima speciales Orationes secundo & tertio loco dicendæ assignentur; hoc tamen intelligendum est, si venerint post

Festum Purificationis; si enim aliqua ex his Dominicis ante illud Festum venerit, tuni hoc ipso, quod adhuc memoria partus B. Virginis celebratur, etiam Commemoratio de B. Virgine per Orationem *DEVS, qui salutis*, adhuc fieri, atque adeo etiam tertio loco Oratio pro Ecclesia vel Papa dici debet.

III. De Dominica Sexagesima notat Gavantus *num. 15.* quod duas Regulæ generales in aliis Rubricis præscriptæ non observentur. Prima est, quod, quoties fit Oratio prima de S. Petro, etiam secunda Oratio de S. Paulo dici debeat, uti ex eorum Festis per annum patet; quæ tamen Regula in hac Dominica non observatur, cum in prima Oratione fiat Collecta de S. Paulo absque eo, quod etiam Collecta de S. Petro fiat. Secunda Regula est, quod in eadem Missa non debeat fieri bis Commemoratio de eodem; quæ tamen Regula pariter non observatur in hac Dominica, cum de S. Paulo dicatur Collecta prima, & tamen de eodem etiam in Oratione *A cunctis* iterum fiat Commemoratio. Verum ad hanc oppositionem respondet Gavantus *n. 15. cit.* Collectam primam, solummodo dici ratione Stationis, & quidem occulto tantum nomine; Regulam autem illam: *de eodem non fit bis mentio in eodem Officio*: de Festis, Commemorationibus, & Votivis Missis intelligendam esse; unde licet in Feria quinta post Dominicam tertiam Quadragesimæ pariter fiat mentio de SS. Cosma & Damiano, non tamen in propria eorum Ecclesia omittitur consueta Commemoratio in Oratione *A cunctis*, quia mentio illa tantum fit ratione Stationis, quæ non est Festum, nec Commemoratio, nec Votivum.

TITULUS X.

DE FERIA QVARTA CINERVVM.

Ritus Communis.

I. **V**ocatur hæc Feria Cinerum à Cineribus, qui ab Ecclesia benedici, & capitibus Fidelium imponi solent, tum ut meminerint se pulverem esse, & in pulverem reversuros; tum ut poenitentiam cum Ninivitis à Cinerum inspiratione incipient. Unde Gavantus *p. 4. tit. 6. num. 1.* notat, hanc Feriam initium quidem Pœnitentiæ, non tamen caput

Qua-